

**JAVNI POZIV** za dostavu prijava u svrhu imenovanja članova i zamjenika članova biračkih odbora za rezervnu listu Općinske izborne komisije Zavidovići za rad na Lokalnim izborima 2020. godine



Na osnovu člana 2.13., a u vezi sa članom 2.19. Izbornog zakona BiH („Službeni glasnik BiH“, br. 23/01, 7/02, 9/02, 20/02, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16 i 41/20) i člana 10. stav 17. Pravilnika o utvrđivanju kvalifikacija i postupku imenovanja članova biračkih odbora („Službeni glasnik BiH“, br. 29/18, 62/18 i 25/20), Općinska izborna komisija objavljuje:

#### **JAVNI POZIV**

za dostavu prijava u svrhu imenovanja članova i zamjenika članova biračkih odbora za rezervnu listu Općinske izborne komisije Zavidovići za rad na Lokalnim izborima 2020. godine

Općinska izborna komisija Zavidovići poziva sve građane zainteresovane za rad u biračkim odborima u svojstvu članova i zamjenika članova biračkih odbora za rezervnu listu OIK Zavidovići, na predstojećim Lokalnim izborima 2020.godine, da u ostavljenom roku podnesu prijavu Komisiji.

**Kvalifikovani kandidati sa rezervne liste će biti imenovani** za članove ili zamjenike biračkih odbora na biračkim mjestima ili u timove za otvaranje vreća i brojanje glasačkih listića u cilju pravilnog objedinjavanja izbornih rezultata, **u slučaju da članovi ili zamjenici koji su već imenovani odustanu od učešća u radu biračkog odbora i u slučaju da članovi biračkog odbora ne budu uspješni na testiranju.**

Zainteresovani kandidati treba da ispunjavaju opće uslove iz člana 2.2. Izbornog Zakona BiH, odnosno da su lica sa pravom glasa i odgovarajućom stručnom spremom.

Pored općih uslova zainteresovana lica trebaju ispunjavati i posebne uslove, kako slijedi:

- da ima boravište u općini za koju se imenuje birački odbor;
- da imaju najmanje završenu srednju školu, odnosno III, IV ili V stepen stručne spreme;
- da su fizički sposobni za obavljanje poslova u biračkom odboru;
- da im nije izrečena sankcija od Centralne izborne komisije BiH.

Kandidat ne smije biti obuhvaćen odredbama člana 2.3. Izbornog zakona odnosno za člana biračkog odbora ne može biti imenovano lice:

- koje se ne može kandidovati u smislu odredbi 1.6, 1.7 i 1.7a Izbornog Zakona BiH;
- koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar, sekretar ili član izvršnog odbora ili glavnog odbora);
- koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona BiH;
- koje je bilo kandidat na Općim izborima 2018. godine ili mu je ovjerena kandidatura za predstojeće Lokalne izbore 2020. godine; i
- kojem je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

**Prijavni obrazac zainteresovani kandidati mogu preuzeti na web stranici Općine Zavidovići ili u kancelariji Općinske izborne komisije (Zgrada Općine, kancelarija broj 222).**

**Kandidati koji ispunjavaju gore navedene uslove mogu dostaviti potpisan obrazac SG – 3 (Izjava) direktno Općinskoj izbornoj komisiji svaki radni dan od 08:00 do 15:00 sati.**

[Prijavni obrazac - Obrazac SG-3](#)

Krajnji rok za podnošenje prijave je 29.10.2020. godine do 15 sati.